

Singer den vorübergehenden den Weg/ vnd ist mit einer solution Oetwas zuverrichten/ so ist es gewislichen mit dieser zu thun/ nun davon ist auch droben oberflüssig gehandelt worden.

Es wird aber nicht allein das Gold in diesem spiritu solvire, sondern auch die Luna, vnd ist sonderlich der spiritus gut/ welcher aus der Terra sigillata præparirt wird/ es wird am Reinstrom nicht weit vom Westerswald auch eine Terra gegraben/ dieselbe ist etwas bleich/ vnd welche ich gesehen/ mehr auff die weisse als auff die gelbe/ geneiget/ dieselbe ist sonderlich hierzu zuerwählen/ dieselbige giebet auch mehr Salz/ als welche aus der Schles. gebracht wird/ vnd gefället mir diese solution auch vor andern wol/ denn die luna gar leicht potabilis dadurch kan gemacht werden/ das sie hernach in allen Haupt-Kranckheiten mit grossem Nutz kan administrirt werden.

Ich hätte von der Terra sigil. noch mehr zuvermelden/ weil vns aber unser Author nicht Anleitung daz zu gibt/ lasse ichs billig auch bleiben/ es sol dessen aber in meinen andern Schrifften in Kürzen/ geliebts Gott/ gedacht werden/ denn dieses Werck wird ohne das groß vnd viel/ muß derowegen abbrechen/ vnd solche arcana auff einen andern Orth versparen.

DE AQVIS THERIACALIBUS.

Die Zubereitung des Aquæ Theriacalis.

Nym spiritus vini ein halb Pfund/ Theriac, Alexandrinæ vs. Loth/ Myrrhen/ Aloes, jedes ein Loth/ Croci, ein halb Loth alles wol vnter einander gemischt/ hernach in eine gläserne Retorte gethan/ vnd in warm. Asche gesetzt/ einen halben Tag lind macerirn lassen/ denn setze eine Borlage vor/ wol verlutirt/ darnach mit stetem lindem Feuer vbergetrieben/ so ist es bereitet/ dasselbe sol man in einem Glas wol verwahren/ bis zum Gebrauch.

Ein